

Br. 01-1776-2/26

Datum: 21.04.2026. godine

Za: **BOSNA I HERCEGOVINA
FEDERACIJA BOSNE I HERCEGOVINE**

**PARLAMENT FEDERACIJE
PREDSTAVNIČKI/ZASTUPNIČKI DOM
Hamdije Kreševljakovića br. 3, 71000 Sarajevo,
N/r gosp. Amir Purić**

**Vlada FBiH
Hamdije Čemerlića br. 2, 71000 Sarajevo**

**Federalno ministarstvo prometa i komunikacija
Braće Fejića bb, 88000 Mostar**

Bosna i Hercegovina
Federacija Bosne i Hercegovine
**PARLAMENT FEDERACIJE
SARAJEVO**

Primljeno: 24-04-2026			
Org. jed.	Broj	Priloga	Vrijednost
05/1	-02-	145	126

PREDMET: Odgovor JP Autocesta FBiH na zastupničko pitanje kojeg je postavio zastupnik Amir Purić u Predstavničkom domu Parlamenta Federacija BiH

Poštovani,

Shodno dostavljenom dopisu broj 05/1-02-145/26, a u vezi s upitom o utrošenim sredstvima za realizaciju projekta brze ceste Bihać – Cazin – Velika Kladuša – RH, dostavljamo tražene podatke:

Add 1.

U periodu od 2022. do 2026. godine za realizaciju projekta brze ceste Bihać – Cazin – Velika Kladuša – RH utrošeno je 4.679.405 KM, od čega je 4.250.566 KM utrošeno na izradu idejnog projekta, a 428.839 KM na ime eksproprijacije.

Također, obavještavamo vas da je u periodu 2018–2020. godine utrošeno 2.241.333,57 KM za izradu idejnog projekta brze ceste Ključ – Bihać – granica Republike Hrvatske.

Add 2.

Procijenjeni rok izgradnje prve dionice brze ceste Bihać – Cazin (Čoralići), dužine 17,95 km, iznosi 36 mjeseci od dana potpisivanja ugovora o izgradnji, a nakon uspješno provedenih svih aktivnosti na pripremi gradnje.

Prema zvanično izrađenoj Studiji izvodljivosti, ukupna procijenjena vrijednost ove dionice iznosi približno 300 miliona KM bez PDV-a, uključujući troškove izrade glavnog projekta, eksproprijacije, izgradnje i nadzora nad izgradnjom.

Način promjene namjene šumskog zemljišta i privremenog korištenja šumskog zemljišta utvrđen je članom 1. stav (2) Zakona o privremenoj zabrani raspolaganja državnom imovinom Bosne i Hercegovine („Službeni glasnik BiH“, br. 18/05, 29/06, 85/06, 32/07, 41/07, 74/07, 99/07, 58/08 i 22/22), bez obzira na trenutni opis vlasnika u zemljišnoknjižnom ulošku.

Također, Vlada Federacije BiH je 15.11.2023. godine donijela „Odluku o promjeni namjene šumskog zemljišta i privremenom korištenju šumskog zemljišta u druge namjene“, kojom je reguliran način promjene namjene šumskog zemljišta.



U tački II ove Odluke se navodi da:

Promjena namjene šumskog zemljišta može se dozvoliti ukoliko je to predviđeno važećim planom prostornog uređenja.

Ovaj uslov je u velikoj mjeri ispunjen, između ostalog i zahvaljujući aktivnostima JP Autoceste FBiH.

U tački III ove Odluke se navodi da:

Dozvola za promjenu namjene šumskog zemljišta izdaje se u formi rješenja, koje donosi Federalni ministar poljoprivrede, vodoprivrede i šumarstva uz prethodno mišljenje kantonalnog ministarstva nadležnog za šumarstvo i mišljenje Federalne uprave za šumarstvo.

U tački IV ove Odluke se dalje navodi da:

1) Zahtjev za promjenu namjene šumskog zemljišta može podnijeti samo vlasnik zemljišta, a podnosi se kantonalnom ministarstvu uz sljedeću dokumentaciju: izvadak iz važećeg plana prostornog uređenja, izvadak iz zemljišne knjige, kopiju katastarskog plana, posjedovni list, te za planirani objekat: okolinsku saglasnost u skladu sa propisima o zaštiti okoline, mišljenje/saglasnost organa nadležnog za zaštitu historijskog i prirodnog naslijeđa, prethodnu vodnu saglasnost u skladu sa propisom iz oblasti voda.

(2) Zahtjev za promjenu namjene šumskog zemljišta koje je vlasništvo države Bosne i Hercegovine može podnijeti samo ovlašteni organ države Bosne i Hercegovine.

(3) Nakon što je dostavljena kompletna dokumentacija, kantonalno ministarstvo formira komisiju iz tačke V. ove odluke radi obračuna naknade za promjenu namjene zemljišta te svu dokumentaciju, zajedno sa svojim mišljenjem, dostavlja Federalnom ministarstvu poljoprivrede, vodoprivrede i šumarstva.

Iz gore navedenog jasno je da rješavanje pitanja promjene namjene državnog šumskog zemljišta nije u nadležnosti JP Autoceste FBiH.

Ipak, kao društveno odgovorno preduzeće, JP Autoceste FBiH se u više navrata obraćalo Federalnom ministarstvu poljoprivrede, vodoprivrede i šumarstva, Vladi FBiH, Vijeću ministara BiH, Parlamentu BiH, Delegaciji Evropske unije i OHR-u sa prijedlozima za rješavanje ovog pitanja, ali do danas nismo zaprimili odgovor.

S poštovanjem,


Direktor
Denis Lasić

Dostaviti:

- Naslovu
- Vladi FBiH
- FMPiK
- a/a

